



Universitätsbibliothek Paderborn

**Ven. Viri Thomæ Malleoli A Kempis, Canonici Regvlaris
Ordinis D. Avgvstini. Opera Omnia**

Thomas <von Kempen>

Dvaci, 1625

Vndecima. De perditione & inuentione Iesu in templo.

[urn:nbn:de:hbz:466:1-45790](https://nbn-resolving.de/urn:nbn:de:hbz:466:1-45790)

credentibus infundere concipiui. Nullus sanctorum aut hominum tantum desiderium ad incarnationem meam habuit, quantum desiderium ego habui ad incarnandum. Nam mox, ut tempus praordinatum aduenit, Angelo edocente & Maria conscente, sine mora Deus homo conceptus fui. Vide ergo ingesta bilem dilectionem meam, quia pro salute & redemptione hominis totus exarci, & nihil utile aut necessarium, sibi denegare potui.

6. O si nunc ardentissimum cor meum videres, & saltē in modo diuinū illum amorem, quem ad te gero, sentires: nunquam ab amore & laude cessares, nunquam tuum laborem vel dolorem ponderares. Vide internis fidei oculis, humanam & diuinam naturam in vnam cōuenisse personam, & inseparabiliter permanere hanc excellētissimam vunionem: & speculare de vtraque natura, quantum placet, & possibile est. Nam in me absconditi sunt omnes thesauri sapientiae Dei, & prater me, non est salus cuiquam viuenti, nec spes æternæ vite morienti. Sint ergo oculi tui semper ad me, & cor tuum maneat apud me, & super omnia desiderabilia requiescas in me. Ego enim sum Dominus Deus tuus, qui feci te: & naturam tuam assumpsi, vt traherem te ad me. Veni, curè ad me, frater tuus sum, mori etiam paratus pro te. Quid moraris? Accede, festina, & dimitte omnia aliena abire, quæ te possunt impeditre. Si sic feceris, inuenies dilectum tuum, in quo felicissimè exultabis, & omnia onerosa facilius portabis. Caveat principiū, ne quid deuium vel lubricum in cor tuum veniat, quod te lēdat aut perturbet, aut vanè occupet, vel intus obscureret. Inter me & te, nihil mediare debet, quod vunionem impedit, aut charitatem minuit, aut libertatem diripit, aut puritatem maculat, aut cordis secretum inquietat. Et quis istud apprehendet Domine! Qui nihil sibi sufficere credit, nisi summum bonum, quod ego sum, à quo omne bonum, in quo omnia bona in cælo & in terra, in mari & in omnibus abyssis. Qui me vnum solum ante omnia & super omnia querit, & mente semper gerit: qui despicit se propter me, & diligit me purè propter me; iste potest contemplari, & me laudare, & cum Maria in Spiritu sancto exultare, nunc & in æternum. Amen.

V N D E C I M A.

De perditione & inuentione Iesu in templo.

Lucas 10.

I. **R**emanxit puer Iesus in Ierusalem, & non cognoverunt parentes eius. Audisti anima fidelis, quod ante paucos hos dies, amabilis Iesus se reuelauit pastoribus & regibus, & quanta lætitia

eunc

tunc fuit parentibus eius: sed & tibi non modicum accreuit gau-
dium, ex tot bonis auditis. Sed heu, hodie res nimis infortunata
& dolorosa accidit, quæ meritò corda concutit, & auditores
omnes stupidos reddit. Refertur enim, quòd dilectus Iesus à pa-
rentibus sit perditus, & eo, propter dolor tempore, cùm ad templum
festiuitatis gratia parentes eius ascenderunt. O subita mutatio
dexteræ excelsi! Nam si perditus est Iesus, quæ tunc lætitia pote-
rit esse in corde hominis? Qui enim perdidit Iesum, perdidit
plusquam vniuersum mundum. Nonne melius fuisset domi re-
mansse, quam Iesum in via perdidisse? Heu, qualis est hęc festi-
uitas, quam obscurat tāta calamitas? Nam nulla maior grauitas,
quam vt perdita dicatur mōerentium iucunditas. Nemo piorum
dubitet, quin Maria in ista perditione filij sui, multū contristata
fuit. Nonne gaudentius in Nazareth latuisset, quam in Ierusalē
hodie comparuisset? Sed voluit sancta mater sacræ legis consue-
tudinem obseruare, & perfectæ obedientiæ exemplum omnibus
dare. Ideo domum ac ciuitatem suam reliquit, & templum Dei
cum filio & Ioseph visitauit. Verū pro ostensione patientiæ
eius, & pro magna utilitate nostra Deus hac fieri permisit, vt
Maria filium perderet, perditum dōlens quereret, atque post tri-
duum in sancto templo inueniret, inuentumque thesaurum lă-
tior secum referret.

2. Sed ô boni parentes, quomodo istud potuit evenire, vt tam
dilectum puerum permitteretis à latere vestro discedere? Vbi
erant oculi vestri, quando non erant in Ierusalem defixi? Quo-
modo excusabo vos de negligentia tanta? Nonne meritò perdi-
distis, quem minus cautè custodistis? Sed rursum, qualiter au-
deam vos in aliquo reprehendere, quos noui in omnibus sanctos
& deuotissimos esse? Et quomodo audebat etiā bonus hic puer,
sine scitu vestro, & absque licentia quoquam ire? Nonne v idetur
occasione vobis dedisse ingentis tristitia, cùm se absentauit
tamdiu ab oculis reverentiæ vestræ? An ei licuit facere omne,
quod voluit, quia omnia cum Deo egit? Placet mihi, quia sic vo-
luit; quoniam Deus est, quem arguere nemo potest. Non enim
potuit aeterna Patris sapientia aliquid insipienter agere, qui orbē
terræ disponit in æquitate. Bene ergo omnia fecit, non solum
presentiam suam amicis reuelando, sed etiam quandoque ex cer-
tis causis faciem suam dilectis occultando.

3. Ascendit autem Iesus ad celebritatem festi legalis, non vt
secundum legem se sanctificaret, aut precibus conscientiam mü-
daret, qui sanctus natus erat: sed vt indulgentiā nobis impetra-
ret, & Ecclesiam frequentādam esse doceret, pro donis cœlestibus
adipiscendis. Intravit templum ad audiendum magistros &
docto-

218 DE INVENTIONE CHRISTI IN TEMPO.

doctores, qui fuit omnium magister & Dominus. Ut discat pueri & iuuenes, à primæua ætate literas legere, scholas frequentare, doctrinæ intendere, magistris audientiam præbere: non vagari per plateas, nec vanis lusibus occupari. Ornat namque valde iuvenilem ætatem ardor discendi artes, quibus iuuatur intellectus, ad proficiendum in scripturis diuinis. Quatenus hinc amplius ametur Deus, quo sæpius fuerit sermo Dei auditus: & per doctores clarius expositus, atque bonæ memoriae libro firmius commendatus. Dedit ergo puer Iesus exemplum pueris & senibus, ad continuandum studium sapientiae salutaris. Ut nemo ocio torpeat, nemo ad inania auscultet: sed pueri humiliter magistros suos audiant, diligenter querat, & cum omni disciplina discant. Senes verò, secundum datam sibi gratiam, & iuuenum capacitem, prudenter doceant; & regulas fidei, à sanctis Apostolis & Prophetis traditas, fideliter tradat, ut Iesum in medio doctorum sedentem, omnes verbi auditores cognoscant, & in melius semper proficiant; ac Deum, qui talem gratiam doctoribus contulit, denotè collaudent. Et sicut doctrina & sapientia magistri ceteros præcellunt, ita vite merito & morum disciplina, omnes praire debent. Studeant ergo docti pariter & indocti, tam sancte humilitatis & obedientiae exempla Iesu Christi imitari, atque divinæ se subdere voluntati. Exemplificauit enim utrumque in se Christus, puer duodennis & docto celestis; dum more paucorum, magistris aurem præbuit, & reuerenter caput inclinavit: atque à beatissima matre benignissimè correptus, sponte mox paruit parentibus, & iuit cum illis: sicut tractabilis moribus, ita & subiectus legibus, tam diuinis quam humanis, prout oportuit ac decuit, in agendis & dimittendis.

4. Vtinam Domine Iesu, mihi concedas huius facti cui historiā diligenter speculari. Nam sentio mecum in spiritu frequenter actitari, quod præsens in carne semel cum matre egisti, cum ab ea perditus essem & reinuentus. Heu quoties te perdo, peccatis meis exigentibus, quam tristis incedo, cum fuero à gratia tua desertus, & propriæ paupertati sine consolatione relictus. Quid mirum, si tunc doleo & grauiter ingemisco, tua salutari dulcedine orbatus, & penè omni spe recuperandæ suavitatis destitutus? O quam longa mora & molesta hora mihi videtur, carere consolatione diuina: quia abest dilectus Iesus, consolator meus; & nescio, quando iterum sit venturus. Quid faciam? Aut quo vadam, ad quærendum Iesum, quem diligit anima mea? Vbi est ille modus, qui me letificare solet gaudio magno? Scio scio, quia si se occultare voluerit, nemo eum inueniet, nemo attinget, nemo apprehendet, quia nondum venit hora eius. Et si se dignatur reuelare, statim adest



adest in foribus, intrat ianuis clausis, visitat domum mentis: & manifestat se indicis tam certis, ut non sit opus interrogare, tu quis es? Quia ignis amoris cordi infusus declarat, quod Iesus venit, & ipse fecit haec omnia. In hoc probationis articulo, saepius conturbor & affligor in memetipso: & satis admiror super occulta dispensatione tui Iesu dulcissime. Cur queso me sic probas in certamine tam saepè & improuisè, cum tamen sis totus suavis & sine amaritudine? Norunt experti, quod dixi: experientur & breui, quicunque cupiunt esse discipuli tui. Non venit hoc ex dolo, non de ignorantia, sed ex bono zelo pro occulto profectu nostro. Ideoque, quod plenè non capio, totū potius tua sapientia committo; quae nihil agit sine certa ratione, licet causa mihi sit ignota. Habeo tamen in hoc cardine rerum, non modicum miseriæ meæ solatiū: quia & dulcis domina mea Maria perdidit aliquando Iesum, & doluit valde amisisse filium: nec erat contenta redire ad domū, donec inuenisset Iesum singulare gaudium suum. Quem cum non inuenisset, ubi astimabat, inuenit, ubi non coniecturabat. Si enim sciueret eum, cum tanta admiratione, inter doctores sedente: aut minus doluisse de euentu tali, aut congratulata fuisset de actu tam solemnī, in responsis sui beatissimi filij. Itaque Iesus non semper ibi inuenitur, ubi queritur: sed sape ibi existit, ubi minimè putatur.

5. Nemo ergo de se presumat, quasi Iesum solus habeat. Nemo alium despiciat: quia nescit, quantū quis Deo in occulto placeat, licet homines lateat, & abiectus deforis videatur. Nam & ipse Iesus tunc multis incognitus erat, & qualis ac quantus esset, paucis innotescet. Quibus voluit, se prodebat; & quando voluit, se abscondebat, cuncta autē dispesatiuē & utiliter faciebat. Cum ergo perdidero Iesum, non est mirū nec nouum: sentio tamen id mihi fore nocuum, & cordi meo valde dolorosum. Me autem fateor reum, & plagiis grauibus dignum, quia non custodiui satis bene cor meum: sed nimis tepidus & negligens incessi, ideo gratiam Iesu perdidii: & nescio, quis restituet eam mihi, nisi ipse dignetur iterum pauperis sui misereri. Huic calamitati meę succurre, clementissima mater Dei: Subueni domina mea, adesto charissima virgo Maria, ianua vita, nunc porta. Solatiū quero, auxilium a te posco. Tu melius nosti, quanti doloris sit Iesum perdidisse, quātāque letitiae Iesum inuenisse. Si sic tibi (ō beatissima virgo) contigit, quae sine culpa fuisti; quid mirandum, si mihi peccatori, eius gratia pro voto non adstis, qui in tam multis offendō? Quid ergo faciā, ut cum iterum inueniam? Si enim est aliqua spes inteniendi, erit utique per consiliū tuum: fiet & meritis tuis, qua propinquior es & charior vniuersis. Doce ergo modum recuperandi dilectum,

220 DE INVENTIONE CHRISTI IN TEMPO.
dilectum, & comitare mecum, vsque dum inueniam illum. Quo
viso & reperto, cantabo tecum in iubilo: Congratulamini mihi
omnes, quia inueni, quem diligit anima mea. Ipse est enim,
quem tu peperisti, castissima virgo Maria.

6. Ad hæc illa: Audi consilium bonum, imitare exemplum
meum, & consolabitur anima tua. Si quando perdideris Iesum,
noli diffidere, noli turbari nimium: noli pigritari, noli ab ora-
tione cessare, noli ad consolationes terrenas exire. Sed quare se-
cretum, plange te ipsum, & inuenies Iesum in templo cordis,
quem amisisti peccatis tuis, delectando in rebus vanis. Non enim
inuenitur Iesus in plateis ciuitatis, nec in coetu ludentium, ne-
que in terra suauiter viuentium; sed in congregacione iustorum,
& in Ecclesia sanctorum.

7. Cum gemitu est querendus, qui per dissolutionem est ami-
sus. Cum magna cautela est seruandus, qui per incuriam est cla-
pus. Cum timore & reverentia est supplicandus, qui pigros de-
testatur & ingratos. Cum summa humilitate est reuocandus, qui
per elationem est fugatus. Cum crebra & intenta oratione est
placandus, qui propter euagationem mentis non audit susur-
rantes. Cum ingenti gratiarum actione est laudandus, qui gra-
tiam suam dare est paratus. Cum ardentissimo amore est ample-
ctendus, qui omnibus parcit, omnibus miseretur: qui gratis do-
na sua largitur, & nemini se querenti deesse probatur. Quòd si
quandoque tardat, perseverantem tamen in oratione non relin-
quit. Sed etiā dum nescit, reuusat, clarius illuminat, & cautiū
informat: ne vñquam de se presumat, sed in eo humiliter & de-
uotè confidat. Si igitur hæc bene attendis, Iesum citò placabis,
Iesum in Ierusalem inuenies: quia in pace factus est locus eius.
Iesus in templo cordis tui, sacra oris sui verba predicabit. Iesus
tecum tota die, sicut in thalamo morabitur. Iesus docebit te
omnibus, quæ sunt salutis. Cuius est utique totum, quicquid est
gratiæ & virtutis in Angelis & hominibus, quicquid etiam boni
relucet in creaturis. Iesus ergo semper inuocandus est, semper
querendus, semper desiderandus, semper memorandus, semper
laudandus, semper venerandus, semper amandus, nec in aliquo
offendendus: sed in omni sanctitate & puritate colendus & ado-
randus, qui est super omnia Deus benedictus in saecula. Amen.

D V O D E C I M A.

De quatuor modis videndi Iesum, secundum devotionis affectum.

Luca 10.

1. **B**eatū oculi, qui vident, que vos videtis. Hoc dulce verbum
Domini Iesu Christi, sèpius est ad memoriam reducendum:
ad quem interiores oculi mentis, in spiritu sunt subleuandi; in
quem

